

历朝诗约选



七言絕句十六

明 沈

歷朝詩約選八十八

謝榛五首

漠北詞

石頭敲火炙黃羊。胡女低歌勸酪漿。  
醉殺羣胡不知夜鶴兒。嶺下月如霜。

曉披氳帳擁秋雲。虜將揮鞭部落分。  
牧馬陰山莫南向。雁門今有李將軍。

塞上曲

旌旗蕩野朔雲開。金鼓連天塞雁回。  
落日半山追黠虜。彎弓直過李陵臺。

胡笳曲

沙磧茫茫黑水流。胡兒六月換羊裘。駝背上吹蘆管。風散龍荒作冷秋。

宮詞

自入長門空繡幃。玉顏非復鏡中時。梨花夜雨鎧相對。燕子春寒君不知。

吳國倫五首

寄遠曲

章臺楊柳綠如雲。憶折南枝早贈君。一夜東風人萬里。可憐飛絮已紛紛。

紫霄峰

紫氣凌嶒碧漢斜。好憑飛杖立煙霞。臨風一夜吹長笛。落盡江南楊柳花。

飲飛雲洞

飛雲洞裏雲不飛。結作僊人九色衣。我來醉臥雲衣舞。嚴下白龍行雨歸。

北園餞別王行甫梅泰符醉成

落梅沾石錦成紋。修竹當軒翠拂雲。痛飲不知誰是客。醉中攜手夢中分。

聞張助甫擢御史中丞開府寧夏寄贈

青銅峽口古靈州。黑水河穿紫塞流。一夜羌人吹笛過千山。明月總邊愁。

宗臣三首

過采石懷李白

采石磯頭垂白雲。歸來瑤艸亂。紛紛夜深吹笛江亭上。明月窺人恐是君。

涇縣望桃花潭

桃花潭水近陵陽。潭上春風滿石梁。流水不隨僊客去。秦人何必渡三湘。

贈余德甫奉使兩浙

赤城霞起是天台明月簫聲落早梅昔日胡麻君莫問桃花不放石門開

張佳胤二首

宿太華山寺

石牀橫架萬峰西海上雙珠入戶低自是山中無玉漏朝霞還有碧雞囀

玄玄洞

桃花全似武陵谿春鳥時從谷口囀何處水聲吹不斷玉龍雙挂洞門西

楊巍三首

憶舊有感

丁卯橋西憶舊游。綠楊高映酒家樓。故人莫訪凋零盡。  
別江南四十秋。

謁武安君廟

嶺過飛狐春不到。峰當回雁雪仍殘。獨憐千古防胡處。廟貌森然祀蒼安。

平定李侍御應時曾視余病感之寄此

前年視我山中病。落日獨騎驄馬來。記得任家亭子畔。連翹花發共銜桺。

俞允文一首

塞上曲

葱關雪盡月蕭蕭。大將功成玉帳高。天馬不愁西極遠。  
上林新種紫蒲萄。

沈鍊一首

送朱子南還

十年辛苦在京華。夢裏何時不見家。一到若耶谿畔月始知。  
楊柳隔天涯。

胡應麟三首

塞上曲

紫電花驄白玉鞭。遠從都護出居延。清秋不辨龍城色。一

片黃雲瀚海前

塞下曲

平沙一望隴雲開玉笛飛聲夜轉哀萬里朔風吹不斷梅  
花齊落李陵臺

灞河舟中再別惟寅裕卿汝修絕句

一望巴陵楚嶠分木蘭舟上雨紛紛中流無限瀟湘色日  
落君山起暮雲

歐大任一首

巴陵劉宗道自吉安與余同舟途中言別

雨中同上吉州船分手潯陽思惘然明日思君是何處萬

行煙樹入湘川

許邦才五首

夜夜曲

柘枝按舞竹枝歌。薌澤微聞玉頰酡。銀燭漸昏鑪氣冷。曲房明月奈人何。

新添驛

野館孤燈半滅明。江塲月落夜潮生。無端鄉思三更後。聽盡蕭蕭風雨聲。

汴河守凍

客館寒燈淚滿襟。閒關萬里欲歸心。眼前一水冰霜苦。又

說。三。江。瘴。癘。深。

畱別劉公

秋風長鋏幸生還。明日孤臣入楚闕。莫道三年人萬里。天涯消得幾重山。

平原道中倉于鱗送別諸韻

神京千里促行裝。一片離愁若箇長。三疊陽關萬行淚。春風處處有垂楊。

汪寬一首

荆南別吳雙谿程附谿入蜀

江上逢君又別君。驪歌一曲不堪聞。半颸秋色縣巴月。三

峽。緩。聲。隔。楚。雲。

仲春龍二首

直中作

條風輦道起香塵。內詔傳宣促五臣。  
別殿香飄黃帳揭。纏龍帖子賜宜春。

吹笛懷友

玉笛橫吹入夜分。中天華月度流雲。  
苕川兩岸春風起。飛盡梅花不見君。

徐渭一首

內子亾十年。其家以甥在。稍還母所。服潞州紅衫頸。

汗尙泚余爲泣下數行時夜天大雨雪  
黃金小紐茜衫溫袖褶猶存舉案痕  
開篋不知雙淚下滿庭積雪一燈昏

于慎行一首

少季行

錦帶珠袍綠臂韁相逢盡說富平侯  
南山夜獵春城晚繫馬新豐舊酒樓

楊德政一首

河西阻風戲示同行者

失路依依獨問津楊花飄蕩撲征輪東風正似郵亭吏只

解。迎人不送人。

宋懋徵一首

送叔父出塞

斜倚征驅對酒歌。氣憑長鋏羽聲多。少年曾到黃羊谷。白首重游無定河。

湯顯祖七首

黃金臺

昭王靈氣久疏蕪。今日登臺弔望諸。一自蒯生流涕後。幾人曾讀報燕書。

上巳燕至

一回憔悴望江南。不記蘭亭三月三。花自無言春自老。卻教歸燕語呢喃。

七夕醉會君東

玉茗堂開春翠屏。新詞傳唱牡丹亭。傷心拍徧無人會。自招檀痕教小伶。

病中會繆仲淳

不成何病瘦。騰騰月費巾箱藥。幾楞會是一時無上手。古方新病不相能。

送劉大甫謁趙玄冲膠西

欲別悲歌雞又鳴。白頭無計與劉生。恩讎未盡心難坎。獨

向田橫島上行

望耆兒

清遠樓中一覺暝雨鶯風燕乍。姓天年來愛作團園語。不得中男在眼前。

飲青來閣卽事

東南山色翠逶迤。日照西陵上酒遲。看罷鞚韁微有恨。不敲方響出紅兒。

徐熥九首

彭城懷古

雲龍山下鳥爭嚦。戲馬臺前日欲西。莫謂楚宮今寂寞。王

孫芳艸正萋萋

交河道中

黃沙漠漠馬驂驂。北地春光久自諳。不用褰帷縱游目。斲無山色似江南。

郵亭殘花

征途微雨動春寒。片片飛花馬上殘。試問亭前來往客。幾人花在故園看。

郵中晚步

青山迴合抱清谿。郵徑陰陰鳥自嚦。落盡疏林秋色晚。水流楓葉過橋西。

元夕懷李伯賢

往事傷心倍可憐。故人今夜渺雲天。鎧光月色秋千影。已隔春風二十年。

客中贈別

吳姬把酒唱離歌。一片愁心奈別何。莫怪相看頰下淚。江  
南春色已無多。

芋江驛樓送張四之白下

春風吹柳萬條斜。此去金陵驛路賒。不必相思當後夜。片  
颯開處卽天涯。

送李子行太守謫茶陵

一官何事又投荒。楚峽蠻聲幾斷腸。  
正是長沙遷謫地。不堪夜雨渡瀟湘。

丹陽遇陳十八

丹陽渡口遇同鄉。欲語恩恩怨。  
夕陽君返江南我江北。雲山千疊斲人腸。

袁黃一首

潯江夜泊

潯陽江上鷓鴣曉。茅屋青燈隔水西。  
獨聖孤蓬傷往事。寒雁飛盡楚天低。

謝肇淛三首

春日溯汶河作

東風殘雪繫蘭橈。滿目山川對寂寥。記得門前春水滿。美  
人蕉壓赤闌橋。

桃源道中

春風籬落酒旗閒。流水桃花映碧山。寄語漁郎莫深去。洞  
中未必勝人閒。

宿吳山寄長安舊人

春時相送出。燕都秋到江南。一字無半夜。寒燈數行淚滿  
天。風雨下西湖。

曹學佺二首

版橋

兩岸人家傍柳條。元暉遺迹艸蕭蕭。曾爲一夜青山客。未得無情過版橋。

晚口阻風

風聲不定在何邊。起視長亭樹影偏。客恨不如風裏樹。一枝吹落向南天。

公鼐八首

畿南問宋遼戰地

戰勝河東下。劙丘高梁失御瞰。雲愁六飛不入燕山府。直見鑾輿到廣州。

西郊金主釣臺

花石遺綱陷戰圖。薊門衰艸釣臺孤。不知良獄宮前客。得見南軍入蔡無。

習家池

峴首岩堯漢水長。習池煙樹野亭荒。羊公流涕山公醉。竝枕殘碑臥夕陽。

掖縣道中作

齊疆行盡海雲生。處處看山自問名。麥秀漸漸桑柘綠。馬頭不見曲侯城。

明湖獨眺

窄岸平橋萬柳斜。半城春水半人家。東風吹雨宵來急。一片鄉心到海涯。

泉林寺

百里天涯一夕分。月華中斷悵離羣聖聞。莊子城頭水卻憶。夷吾臺上雲。

衍元均  
馮用韞

千里金日行。  
此詞郵筒珍重寄相思。將來莫遣玲瓏唱淚盡。  
秦人時

生平有志皆成幻。死後憑誰得報君。燈影幢幢對疏雨。一聲哀雁入秋雲。

尹嘉賓一首

江上雜詠

河豚雪後春還淺。刀鱉風來水已波。攜酒江邊吹笛。聖看山何處。出雲多。

王象履二首

郎景

日日輕雷送雨聲。小窗歷亂竹枝橫。水痕時落還時漲。枕上看山秋欲生。

古意

鶼鷀兩兩棲浦沙。昨夜郎來暝。妾家滅燭入門戴星去看。

郎。一。似。菖。蒲。花。

程嘉燧六首

金闇曲

金闇潭水寫金波。畫燭紅樓歌吹多。長夜牽愁無遠近。山塘一望似秋河。

憶金陵

雜題  
畫扇

最憶西風長版橋。笛牀禪閣雨蕭蕭。只今畫裏猶知處。一抹寒煙似六朝。

登樓

少小聽歌怕唱愁。一聲楚尾與吳頭。如今身在傷心地。但

見春光莫上樓

訪孔雀庵蘊暉師不遇

竹塹蘿垣白版扉。庭梅爛漫雪花飛。窓白拂仍留。在卻抱孤琴上翠微。

又別伯雨

君去秀州客幾時。計余行日祇相思。不如從此息。相逢又別離。

過長蘅畫桺歎別

當時相送向京華。同見秋楊起歎嗟。君自客回儂。又客漫天春恨似楊花。

吳兆三首

宮人斜

沒骨埋香卻怨誰。化爲黃土出花枝。  
開時或得君王惜。猶勝深宮未見時。

曉投黃龍寺慧宗上人房

幾處禪林聚似邨。嶺頭風雨潤頭昏。  
千枝燈影僧初放。一派經聲客到門。

江頭蚤別

江上天明猶未明。半江落月照潮生。  
片帆搖曳中流去。兩岸青山似送行。

葛一龍一首

八月十五夜盤龍寺

歷歷三年看月愁。燕山楚水白門樓。  
不知何處明夜更憶盤龍寺裏秋。

王彥泓一首

過婦家有感

歸甯去日淚痕濃。鎖卻妝樓第二重。  
空牘一行遺墨在丙寅十月十三封。

林古度二首

入白門

白門迢遞夕陽閒千里聞天一日還依舊客情無別事逢人卻問蒼夷山

同俞宣仲鶯嶺寺聽秋鶯

物候遷移愴客魂。嚦鶯何意戀山邨。  
不因落葉林間滿猶道。嚦春在寺門。

邵濂一首

鄰家植荷盆中高出牆外予于齋頭見之戲題

露珠濯濯曉光新。紅粉初施彩色匀。  
憔悴自憐非宋玉。東家何事亦窺臣。

陳子龍二十三首

從軍行

疏勒城南木葉秋。紇干山下月西流。莫將此夜青樓夢。添作征人萬里愁。

彎弓獨上李陵臺。極目燕支秋色來。積路西迴三萬里。青天遙挂白龍白。

黃河曲裏受降城。四野清笳徹夜鳴。聞得胡兒雙淚落。那堪吹入漢家營。

提兵絕漠過河源。千帳胡王不敢奔。瀚海已收天北極。昆明原是漢西門。

新得胡姬出渾邪。雪寒圍聖弄琵琶。爲憐馬上紅顏盡。奪

取燕支屬漢家

寧前邊詞

榆塞關邊榆樹林。錦州城外錦川深。  
千颯北轉。敖倉粟萬騎東馳少府金。

大同女兒顏如花。十五學得箏琵琶。  
莫向中宵彈一曲。清霜明月盡思家。

上谷邊詞

險到居庸地脈分。何須常戍羽林軍。  
關門夜抱干峰月。陵墓春生五色雲。

春宮曲

春宮煙樹夜蒼蒼侍宴將闌拂象牀月轉西樓花露冷又移歌舞向昭陽

朝發涿鹿霧

斧山秋色盡滄洲亂後蕭條滿薊邱黃帝雲旗三十萬不曾消霧有蚩尤

德清夜游作

春星歷歷露華流遠樹蒼蒼煙霧收櫂發清谿驚宿雁政逢明月下河洲

越中寒食

越王祠外艸絲絲憶昔江郎作少年紅粉高樓春壓酒錦

颸曲港柳迴船

人日觀明月積雪

春宵獨立倚闌干翠壑丹崖雪未殘人在瑤臺看不見碧天萬里素娥寒

玉琯雲璈戴勝游清光何處接丹邱更吹瓊樹玲瓏響夜半風搖十二樓

朱雲子贈詩有十築劍中之意酬之

若邪南接赤城梁萬樹桃花玉女漿與爾同行莫回首鸞歌鳳舞白雲鄉

送偉南游匡廬

祖關渺莽根目轉西對

落木孤颯秋色中橫江西訪大明公博山鑪頂騎鸞女怪  
爾新乘萬里風

哭張天如先生

越山北望指吳關一月緘書定往還數日不傳雲裏字那  
知非復在人間

五車十乘古來聞博物司空又屬君禹穴西陽多典籍可  
能地下作邱墳

三江潮落月黃昏巷絕春歌欲斲魂賓客如雲人不見秋  
風先到信陵門

二十年來貽錦衾幾番風雨惠同心應知南郭先生意紅

樹蕭蕭罷鼓琴。

謂受先也

南冠君子。朔風前慷慨。西行倍可憐。已乏何顚爲奔走。更無魏邵與周旋。

石師之逮天如經營急難倍至師未出獄而天如先沒矣

去歲孟秋十三夜。予從京師歸遇天如于鹿城。談至

四鼓而別。孰知遂成永訣。今秋是夜泊舟蘇郡。月

明如昨。不勝愴然。

日暮維舟楓樹林。玉峰峰外漏沈沈。那堪獨對當時月。淚落吳江秋水深。

去年相見語相親。今日相思隔世塵。聞道月輪迴地底。可  
能還照去年人。

單恂一首

金陵紀事

苑城春閉綠楊絲江介軍書醉不知清曉內瑞催尚藥官  
蝦蟆進小黃旗

劉孔和三首

題趙松雪宮女啜茗圖

秋宮蕭蕭古衣裳靜女無愁黛亦蒼不點疏螢和月色絹  
頭已作百年涼

厓山遺恨卷黃沙彩筆王孫弗憶家忍向卷中摹舊事直  
須羞殺後庭花

聽小史燕子彈琴

高梧修竹曉沈沈侍子垂簾拂素琴聽盡明光三十段碧  
池涼雨一時深

王若之一首

江行

圖書蓑笠載輕船雨雨風風去不停疑是煙波垂釣者居然呼吸有樵青

朱茂時三首

黔中曲

疊嶂曾無三尺平盤江狹處鐵橋橫短蓑窄衷花蠻女宛

在秋干索上行

地無三尺平黔中諺也盤江鐵索橋行者動搖而蠻女不懼

土風不改古牂牁銅鼓迎神蹠足歌一種黔南水西鬼黑

羅羅笑白羅羅

白羅羅比黑羅羅更剽險難制

高髻纏鬟一尺長淺藍襯子趁時妝一春遠信雞難十暗

祝心期拜竹王

黔女挽髻雜以馬鬢襯尚淺藍色

釋止岳一首

卽事

御教場中月直時下山全不道歸遲三松影落半湖水一路沿鐘到淨慈

朝鮮使臣金尙憲一首

初至登州

南商北客簇沙頭。畫鷁青簾幾處舟齊唱。竹枝聯袂過滿城。明月似揚州。

舉立集首

向多善色  
文類著錄以識

只委交鹽橐。不鍛胡瓶一春空自繫簾。

蘇東坡詩  
蘇東坡詩  
蘇東坡詩  
蘇東坡詩

風流古事所。隨處吸氣。只知一簍餽南北。

歷朝詩約選卷八十八終

洪武中蘇東坡詩

七言絕句十七

國朝一

歷朝詩約選八十九

邢昉七首

遣興

破國雖因張麗華。迴眸未忍盼。隋家祇憑一死青谿側。消得人稱玉樹花。

宜興城下感舊

山陽笛裏暗消魂。洛水游人不可論。曾是信陵公子客。白頭垂淚過夷門。

永康道中

括山行盡婺山長。紅葉青林更渺茫。亂水悠悠夕陽渡。令

人憔悴是。他鄉。

寄吳見末

胸中千斛淚如瀾爲不逢君未可彈何日盡情拚一哭兩  
人相對卻成歡

細思鄉井豈能安拔劍出門何所難祖道寬須同易水幾  
人相送白衣冠

送楊將軍守備滇南

洱江東接古牂牁君去新從馬伏波試問漢家銅柱在南  
征猶得幾摩挲

辭弓羽箭聽驪歌楊僕樓船意氣多道路半經諸葛壘功

名先繫越王佗

董隱一首

唐宮詞

羯鼓聲高舞袖長。製成小管自籟王。  
太真獨愛涼州曲。自出金錢賜要嬾。

徐夜三首

春詞

一層楊柳一層風。五里桃花十里紅。  
但是出游皆傍水。逢人多半在城東。

當塢小婦太憎生。記折梨花在古城。  
日出未離非馬足。暫

休。不。肯。是。鶯。聲。

戲馬臺連司馬橋。城門開處馬蕭蕭。君臣游覽飛花盡。惟見秋千入碧霄。

朱茂曙一首

牽牛花

金飈初動露華滋。最愛娟娟竹尾垂。多少紅樓昏夢裏。不知秋色到疏籬。

屈大均四首

歸風詞

南越輕綃似碧雲。裁爲飛燕御風裳。中流舞罷將僊去。萬

歲。千。秋。復。就。君。

陳宮詞

臨春結綺彩雲閒。天上張星玉作顏。萬歲不愁歌舞盡。龍盤虎踞是鍾山。

客雁門作

三年作客傷滻沱。聽盡悲笳出塞歌。白髮不愁明鏡滿。秋霜只怨雁門多。

柳

不恨楊枝恨柳枝。牽腸一種亂如絲。嚦烏爲爾頭先白。正是花飛似雪時。

潘高一首

憶得

黃雅穀穀雨疏疏燕麥風輕上鱉魚記得去年寒食節全  
家上冢泊船初

錢虞東十七首

歲暮雜懷

十畝之間一老民衰遲自分百年身空山一笑無人會落

木蕭蕭下水濱

本律詩刪中四句

金陵雜題絕句繼乙未春畱題之作

澹粉輕煙佳麗名開天營建記都城而今也入烟花錄燈

火樊樓似汴京

頓老琵琶舊典型檀槽生蠶響丁零南巡法曲無人問頭

白周郎掩淚聽

紹興周錫圭字禹錫好聽南院頓老琵琶曰此威武南巡所遺法曲也

長干墮繞萬枝燈白玉豪光涌玉繩鈴鐸分明傳好語道人誰是佛圖徵

秦淮水亭逢舊校書賦贈

綦罷歌闌抱影暝冰牀雪被黯相憐如今老去翻惆悵重對殘缸憶昔年

金字經殘香母微啄鈴紅嘴語依稀新裁道服蓮花樣也似彫籠舊雪衣

水沈烟寂妙香清玉骨冰心水觀成彈指五千經藏轉青  
蓮花向舌根生

重題斷句

水雲煙樹半依稀紅袖雙雙下翠微更向碧天歌一曲無  
人不道月中歸

柳絮詞爲徐子作

送郎莫唱楊柳枝生憎一簇更千絲柳枝只解綰離別柳  
絮隨郎無盡期

白于花色軟于絲不是東風不放顛郎似春泥儂似絮任  
他吹著也相連

曲  
梅郎宮相五十生子賦浴兒歌

天人也自愛文章抱得麒麟到下方但與誌公摩頂看雙  
瞳偏喜似瑤光

據地初生師子兒三年哮吼五天知錦綉花綵勤將護恰  
是頻申自在時

九子將雛未白頭明珠老蟀正相求蘭闈自唱河中曲十  
六生兒字阿侯

月戶冰輪自宛然一枝偷折向江天嫦娥顧兔應相笑誰  
放吳剛倚樹暝李長吉詩吳剛不暝倚桂樹

櫂歌爲豫章劉遠公題扁舟江上圖

家世休論舊相韓。烟波千里一魚竿。  
扁舟莫放過徐泗。恐有人從圯上看。

遠公故相文端公之孫尚寶西佩之子

耶金之子有文章。太乙然藜下取將。  
百道光鎔吹不盡。散爲漁火照滄浪。

吳江煙艇楚江潮。瀨上蘆中恨未消。  
重過子胥行乞地。秋風無伴自吹簫。

吳偉業一首

題歸玄恭僧服小像

金粟山人道者裝。玉山秋盡艸堂荒。  
劫灰重作江南夢。一曲開元淚萬行。

正十至午知谷泉

周亮工二首

示友

海水羣飛百丈高。同君城上擁弓刀。  
戰瘢莫向燈前看。恐惹霜華上鬢毛。

輓楊秀才

唾地新詞破錦囊。高樓君自拜。  
滄浪文人命薄。將軍死誰賦。  
城南舊戰場。

李雯一首

西宮怨

花滿西宮紫燕飛。珠簾不卷對清暉。  
玉顏未擬君王棄。猶

著承恩舊舞衣

宋徵輿六首

丹陽道中有感

下和別足更逢迎。徒使人閒白璧輕。泣向楚天終不信。  
玉工別自有連城。

招存我飲

交契悠悠總未真。與君落魄最相親。尊前莫下連城淚。我  
亦王門獻賦人。

送郡司理李公應詔入都

春風瀟灑百花臺。桃李無言手自栽。蚤晚獨承明主問。有

誰年少洛陽才

哭周勒卣

一夜秋風落客星。黃雲歷亂艸玄亭。  
知縱酒非荒宴。埋照黃泉始獨醒。

翠羽明珠擁莫愁。君家顧曲舊風流。  
一時腸斷人何處。風雨蕭條燕子樓。

山陽玉笛異時情。故舊論天共不平。  
縱使未堪軒冕貴。何妨白髮老諸生。

龔鼎孳十四首

上已將過金陵

倚檻春愁玉樹飄空江鐵鎖野烟消興懷何限蘭亭感流水青山送六朝

烏江懷古

蕭蕭碧樹隱紅牆古廟春沙斷客腸真伯假王誰勝負淮陰高冢亦斜陽

偶感

東市朝衣灑血年驚看老鶴奮霜拳到頭恩怨知誰是田竇袁鼃盡可憐

秋日感懷

小葉疏花綴石斑梳妝樓上隱烟鬟千年雲物驚彈指又

過消魂萬歲山

寄祝胡章甫

朱雀烏衣六代風。清絲豪竹擅江東。  
翩翩袞屐曾年少。今作開元鶴髮翁。

壽遠山李夫人四十初度

琉璃硯匣寫烏絲。初日簾鉤麝粉垂。  
才子神仙誰得竝。蘇家錦字謝家詩。

題絳雪吳君畫冊

繡閣名香粉本新。珊瑚筆格淨無塵。  
徐熙花鳥勝王蟬。翠羽明璣散洛神。

賣珠補屋意高閒。萬疊烟霞擁玉顏。  
想像亂峰併雪裏。自臨眉黛寫青山。

口號贈朱音僊

爲阮懷  
寧歌者

萬甲樓船仗水犀。一軍鶯燕散前谿。  
難聞擁髻消魂語。戰壘蒼茫落日低。

音仙曾供事軍中  
談江上情形甚悉

贈歌者王郎南歸和牧齋宗伯韻

吳苑曾看蛺蝶身。行雲乍繞曲江塵。  
不知洗馬情多少。宮柳長條欲似人。

香鶯紫絡度烟霄。金管瑤笙起碧寥。  
誰唱涼州新樂府。舊人彈淚覓紅桃。

生成珠樹有鸞棲丞相鳴鐘邸第西爲報五侯鯖又孰平  
津花月賤如泥

長恨飄零入誰身相看憔悴掩羅巾後庭花落腸應斷也  
是陳隋失路人

戲代林郎悵別

一笑相逢石上緣珠嚦玉唾總堪憐多情豈是癡兒女慧  
卽文人俠卽僊

高珩十五首

秦鏡爲袁松籬作

興亡轉轂見何頻照膽咸陽迹已陳多少人閒怊悵事金

人辭漢鏡辭秦

河山歷歷看來空。萬古銷沈向此中。便是秦時明月在。可  
能還照樸陽宮。

春燕

天地遽盧日日新。幾家王謝盡黃塵。新來燕子憑君住。莫  
問當年舊主人。

贈燕

黯黯臺城幾落暉。掠泥新自小池歸。烏衣不管興亡事。只  
向朱門宛轉飛。

仲續將歸

山南小圃又東風杏子櫻桃次第紅明日春明門外路清  
明消遣馬蹏中

良夜

良夜津疑世已空單衫消受是微風分明四十年前月又  
挂長松五蠶東

京署夜聞風聲因憶去年此日泊舟江上

安慶城東晚泊船江風霜柝夜蕭然分明湖海餘聲在又  
向長安攬客暝

南臺闌畔見魚躍瀑流中

曲折紅橋小艇通波聲瀲瀲宦情空此身欲化東潭鯉隨

意銀濤雪浪中

入都

玉皇案側昔曾侍金水橋邊今又來閱盡深沈惟此地世人猶羨是蓬萊

途中

丁香花下過清明白雁風前忽北征二十餘年來往處酒  
帘郵樹似前生

途中看花

領略穠華在此晨碧桃紅杏莫爭春垂楊萬樹棠梨外綠  
錦屏風白玉人

衡湘道上

山水高深各異方。兼長合是數衡湘。  
東吳回首無喬嶽，嫵媚青山似女郎。

載酒堂

夜合花前夜露遲。微風白苧正相宜。  
瑤臺不在重霄上，高枕空庭月滿時。

再至金陵

鬢鬢風桺綠。絲偏略似長條髮。覆肩卻出秦淮。相問訊。於今不見已三年。  
蓮葉田田蓮子稀。風飈一片蕩漁磯。祇如解制僧。初散都

著西天壞色衣

龜高念東先生

唐夢賚

青蘿洞裏舊閒吟。百道鳴泉百尺陰。便說河豚堪一飽。不應苦筍爲抽簪。

孫枝蔚一首

游焦山中流遇風

風起中流浪打船。秦人失色海雲邊。也知賦命元窮薄。尙欲西歸太華暝。

劉體仁一首

卽事

西湖小閣多延月。好友同舟半是僧。  
寄語江南老桑苧。秋山紫蕨憶行縢。

呂潛一首

亂後流寓江左詩

橫江閣外數帆檣。立盡西風鬢欲霜。  
只有鄉心不東去。蚤隨烟月上瞿塘。

王邦畿一首

絕句

昨冬歸去今春信。言是端陽入楚山。  
吟取荊州舊時事。洞庭秋盡客應還。

沈嘉客一首

絕句

淮南作客逢春雨，破帽疲驢幾日程。  
六。合。城。南。呼。舸。艋。綠。  
陰。相。送。到。南。京。

張光啟一首

對菊

種菊叢叢傍石根，陵晨坐臥近黃昏。  
沾來新釀經秋醉，開盡寒花未出門。

歷朝詩選卷八十九終

七言絕句十八

國朝二

歷朝詩約選九十

王士禎一百三十七首

姑蘇懷古

花艸千年怨種蠡。行人腸斷越谿絲。  
竹枝聲裏春將盡，破楚門東暮雨時。

本律詩刪前三句及弟五句

魯先生祠

六王畢後竟何如。旋錮三泉葬鮑魚。  
玉貌亭亭照東海，狄城秋水魯連居。

秦始皇家

下錮三泉銀作池。一朝禍發牧羊兒。  
誰知地底連機弩，不

射周章百萬師

故宮曲

往日朱門帝子家。柴車一去卽天涯。平臺賓客今何處。零落小山叢桂花。

長卿山

相傳相如讀書處明皇賜今名

漾舟潼水碧潺湲。一抹青峰想玉顏。留得文君好眉黛。薄雲初散長卿山。

銅人原

宮門漢月渭川波。天本無情奈若何。今日荒原逢薊子。愁將銅狄更摩挲。

螺磯靈澤夫人祠

白帝江聲尙入吳。靈祠片石倚江孤。  
魂歸若過劉郎浦。還記明珠步障無。

伯氣江東久寂寥。永安宮殿莽蕭蕭。  
都將家國無窮恨。分付潯陽上下潮。

讀史雜感

殿中擁槊唱無愁。江左重開南豫州。  
十萬敵軍齊北哭。至今淝水不會流。

和曹陸海舍人壽良懷古

長城自壞復誰尤。戰地經過憶唱籌。  
野鳥嚦春寺門寂。可

憐猶似白符鳩

右鳳山寺檀道濟戰場

### 馬嵬懷古

巴山夜雨卻歸秦。金槧自邊艸不春。一種傾城好顏色。茂陵終傷李夫人。

### 杜曲西南弔牧之冢

兩枝仙桂氣凌雲。落魄江湖杜司聲。勳今日終南山色裏。小桃花下一孤墳。

### 宋陵

宋自太祖昌陵至哲宗泰陵七陵皆在鞏鞏

洛水邙山飽廢興。宋家幽寢悶魚燈。奉香不見臨安使。白日茫茫下七陵。

蘇州漁父邨相傳涪翁故居

越王樓閣已成空。州府荒涼苦竹叢。  
猶有煙波漁父里。夫容谿上弔涪翁。

高郵雨泊

寒雨秦郵夜。泊船南湖新。漲水連天風。  
流不見秦淮。海寂寞人閒。五百年。

彭門懷古

中原豪傑競。込秦楚漢煙。銷泗水濱。  
放鶴亭中一柄酒。楚山鱗鱗水鱗鱗。

煙銷波水半篙碧。日出曉山千疊青。  
薺麥依然春雪裏。忍

寒招鶴上空亭

歌舞岡

歌舞岡前輦路微。昌華故苑想依稀。  
劉郎去。降王長斜日。紅絲作案飛。

符離

萬里歸來兩鬢蒼。閱他南漢又南唐。  
短衣射虎心猶壯。重過符離古戰場。

再過露筋祠

翠羽明璫尚儼然。湖雲祠樹碧于煙。  
行人繫纜月初墮。門外野風開白蓮。

樟樹鎮王文成公誓師處

豹房虎圈氣如雲。行在從容露布聞。誰識書生離講席。絕勝三十六將軍。

秦淮雜詩

年來腸斷秣陵舟。夢繞秦淮水上樓。十日雨絲風片裏。濃春煙景似殘秋。

結綺臨春盡已墟。瓊枝璧月怨何如。惟餘一片青谿水。猶傍南朝江令居。

桃葉桃根最有情。琅邪風調舊知名。卽看渡口花空發。更有何人打槳迎。

三月秦淮新漲遲千株楊柳盡絳絲可憐一樣西川種不似靈和殿裏時

當年賜第有輝光開國中山異姓王莫問萬春園舊事朱門艸沒大功坊

新歌細字寫冰紝小部君王帶笑看千載秦淮鳴咽水不應仍恨孔都官弘光時阮司馬常以吳綾作朱絲蘭書燕子箋諸劇進宮中

舊院風流數頓楊梨園往事淚霑裳尊前白髮談天寶零落人間脫十娘

傳壽清歌沙嫩簫紅牙紫玉夜相邀而今明月空如水不見青谿長版橋

新月高高夜漏分。棗花簾子水沈薰。石橋巷口諸年少。  
唱當年白練裳。

小姑居處本無郎。白石青松可斷腸。便使僊人逢玉斧。已  
無西浦杜蘭香。

玉牕清曉拂多羅。處處憑闌更踢歌盡日凝妝。明鏡裏水  
晶簾影映橫波。

金陵青谿上有張麗華小祠不知何代所建今尙有  
遺址存焉偶賦二絕句以補秦淮雜詩之闕

璧月依然瓊樹枯。玉容猶似憶黃奴。過江青蓋無消息寂  
寞青谿伴小姑。

景陽宮井已銷沈遺廟荒涼碧蘚侵惟有青谿鳴咽水千年猶自怨韓擒唐修隋史書韓擒虎皆曰韓擒唐廟諱也

圃田列子祠

冷然鄭圃御風游四十年如不繫舟怊悵餘年還嫁衛先生老矣又何求

昭靈夫人墓

驚風古道卷蓬根何處昭靈墓尚存不見梁巫陳桂醑野人耕盡小黃園

瓜洲渡江

昨上京江北固樓微茫風日見瓜洲層層遠樹浮青薺葉

葉輕帆趁白鷗

大風渡江

鑿翠流丹杳靄間銀濤雪浪急潺湲布帆十尺如飛鳥臥看金陵兩岸山

幕府山前三日畱老僧相見石門秋今朝回首江南望無數雲煙在上頭

眞州絕句

曉上江樓最上層去帆婀娜意難勝白沙亭下潮千尺直送離心到秣陵

江干多是釣人居柳陌菱塘一帶疏好是日斜風定後半

江紅樹賣鱸魚

秦郵雜詩

夾岸人家短竹籬。鴨頭新綠雨如絲。幾年寒食秦郵路。拂面楊花被酒時。

露筋祠前水拍郵。平湖水燠生蘭蓀。靈風斜日畫旗卷。時有神雅歸廟門。

寶應

畫舫垂楊千萬絲。淮南江北斷腸時。誰堪此夜青天月。碧艸濃煙宿射陂。

雨中度故關

危棧飛流萬仞山。戍樓遙指暮雲閒。西風忽送瀟瀟雨。滿路槐花出故關。

雨宿嶽廟萬壽閣

長樂坡前雨似塵。少陵原上淚霑巾。灞橋兩岸千條柳。送盡東西渡水人。

太華終南萬里遙。西來無處不魂消。閨中若問金錢卜。秋雨秋風過灞橋。

盤豆驛

依然盤豆對藜蘆。回望關門岳。執孤思子臺邊一懷古。不知身過玉壘湖。

魚山神女祠

王摩詰有魚  
山神女祠歌

雲車入洛幾時還。松桂淒涼滿舊山。  
歌罷迎神送神曲。山青無際水潺湲。

夾江道中

沈黎東上古健爲紅樹蒼藤竹亞枝。騎馬青衣江畔路。  
一○天○風○雨○望○峨○眉○

嘉陵驛路俯江流。寒雨瀟瀟送暮秋。誰識蠻中風景別。洋  
州風竹戴嵩牛。

嘉陵江上憶家

自入秦關歲月遲。棧雲隴樹苦相思。嘉陵驛路三千里處。

處春山叫畫眉

龍門閣

潛水入嘉陵江處卽龍洞背亦名蔥嶺

四圍碧玉色峻嶒著箇行纏蓋飯僧松末風來龍背冷垂看流水入嘉陵

郎當驛雨中

金雞賜帳事披猖河朔從茲不屬唐卻使青羸行萬里三郎當日太郎當

武連縣南雲氣遮郎當驛北石槎枒西風盡日濛濛雨開偏空山白芨花

荆山口待渡

西連豐沛走中原風色蕭蕭野渡昏一望孤城天接水亂  
山合沓是彭門

自沙河至唐婆嶺卽事

晚公山色望迢遙晚水清冷不上潮青笠紅衫風雪裏一  
林楓相馬蕭蕭

龍山晚渡

雪滿龍山望五湖漁舟沙步晚招呼憑誰喚起維摩詰重  
寫寒江雪渡圖

下五祖山

雪滿空山下翠微娛人十里盡清暉野梅香破半谿水翠

羽一雙相背飛

抵九江

行行晚日又蘄黃才挂孤帆指豫章爲報匡君多置酒夜來風雪過潯陽

自錦繡峰下至東林寺

江州郭外雪雲濃翠壁丹崖錦繡重行盡清谿三百曲東林財打午時鐘

吉水絕句

螺川川北字江西沙煥舟喧咫尺迷才過元宵如上已春山處處郭公嚦

抵南安

嶺南已負荔枝天。橫浦重過意惘然。  
暫借谿樓看山色。蠟花如雪寺門前。

南安人以蠟樹爲業彌望皆是

抵清遠

萬里南帆渡。二禹峽平川。闊見青蕪不堪。斜日蠻雲裏。嚦  
罷猩猩又鷗鷗。

將抵曲江

二月一日春態閒。桃花欲落鳥絲蠻。回頭不識中原路人。  
在三楓五渡閒。

卽事二絕句

吳頭楚尾浪花麤。終日彭郎對小姑。  
楊葉洲邊望煙火。江南江北雨模糊。

往來不見馬當船。三日蘆中少爨煙。  
東望皖公才百里。金陵難似上青天。

江上看晚霞

彭澤縣前風倒吹。三朝休怨峭帆遲。  
餘霞散綺澄江練。滿眼青山小謝詩。

瀟瀟寒雨暗潯陽。日日江潮過馬當。  
東望滄溟天萬里。乘風欲度赤城梁。

烈山

古寺紅牆出翠微。莓苔石壁滴人衣。一行白鷺衝船起。卻上半巖松頂飛。

蛾眉亭

采石磯頭百尺亭下臨天塹。晝冥冥。天門中斷楚江闊。日日蛾眉相對青。

裂帛湖雜詠

水軒面面以船牕。沙燕鶼鷀盡作雙。忽憶夢回聞杵鼓。一枝柔艣破煙江。

藤花山下

麥隴參差碧。岸頭藤花山下晚。風秋一時殘雨兼虹盡。冒

道清泉入澗流

初春濟南作

山郡逢春復乍晴陂塘分出幾泉清郭邊萬戶皆臨水雪後千峰半入城

初望見歷下諸山

行人千里發燕關衰草平蕪黯旅顏十萬夫容天外落今朝真見濟南山

午睡過穆陵關覺後感成

穆陵關南煙艸愁穆陵關北棟花秋關門鎖斷清谿水不寄離心向北流

漢嘉竹枝

龍游城郭碧玻瓈。西望三峨曉黛滋。分取三江作明鏡。鏡中各自照蛾眉。

江陽竹枝

今瀘州

錦官城東內江流。錦官城西外江流。直到江陽復相見。暫時小別不須愁。

妾如江心黃龍自江枯。石爛長崔嵬。郎如治平寺中塔。戎州西望忽飛來。

新灘

楚蜀諸灘首險在兵書空船二峽間

上灘嘈嘈如震霆。下灘東來如建瓴。瞥過前山財一瞬。鷗

鴟嗁處到空船。

十二倍

黃陵廟前聞艤聲一灘才過一灘迎三千里外峽程盡十二倍邊秋水清

鄧尉竹枝詞

鄧尉山頭片雨姓司徒廟下晚潮生卻登七十二峰閣玉柱銀房相向明

洞庭橘枝詞

葉水心仿竹枝柳枝創爲橘枝詞故友汪鈍翁嘗和之因繼有作

橘花初開君去吳橘黃猶未返姑蘇他鄉何似故鄉好莫戀江陵千木奴

廣元舟中聞櫂歌

江上渝歌幾處聞。孤舟日暮雨紛紛。歌聲漸過烏奴去。  
丸十九峰多白雲。

南陽聽歌

七載離筵喚奈何。玉壺紅淚飲青娥。蕭蕭暮雨南陽驛。重  
聽吳娘一曲歌。

絕句

波繞雷塘一帶流。至今水調怨揚州。年來慣聽吳娘曲。暮  
雨蕭蕭水閣頭。

冬夜聽撾鼓二絕句

休摩落梅三弄笛且拋穠李四條弦當筵快意金剛舞羯鼓轟雷酒似泉

白帝城高雲雨開軍中合樂鼓如雷將軍劍舞秋風裏十丈驚濤濶瀨自

憶秦淮丁家水閣

雁齒紅闌舊版橋清風明月夜相邀誰彈威武南巡曲聲入秦淮咽暮潮

休夏戲作仄韻詩

與我周旋寧作我休夏閉門計非左綠陰黃鳥北窗涼客我解衣槃礴贏

治春絕句

同林茂之前輩杜于皇孫豹人張祖望程  
穆倩孫無言許力臣師六修禊紅橋酒間

賦治

春詩

紅橋飛跨水當中一字闌干九曲紅日午畫船橋下過衣  
香人影大恩恩

海棠一樹澹胭脂開時不讓錦城委花前痛飲情難盡歸  
臥屏山看折枝

三月晦日公戰招同曰緝玉蚪苔文周量玉隨翼蒼

湘北子端集河樓

御河楊柳盡飛花露葉煙條拂狹斜十五年前曾繫馬數  
株初種不勝雅

曹正子邀同家兄子側及諸君豐臺看芍藥晚過祖

氏園亭

陂塘點點烏犍出夏木陰陰白鳥飛也似江南好風景水  
田一帶學僧衣

趙氏因園四時歌

宛在亭中結夏宜風簾半卷雨催詩池如望月連弦月花  
似紅兒對雪兒

琴筑聲多雜佩環石門秋潔落潺湲行行西竺無憂樹處  
處南宗著色山

瓜洲子園

于家園子俛江濱巧石迴廊結構新竹木已殘魚鳥盡一  
池春水綠憐人

聖中聞陶季江辰六詠洞庭詩并話湖南山水

三湘夜雨五谿游曾話秦淮風露秋十七年來頭鬢白聽  
君高唱岳陽樓

順治辛丑余在金陵聞何行人談湖南山水之勝今十七年矣

白蘋風色番君國斑竹嚦痕帝女靈今日衡湘兵甲滿九  
疑何處數峰青

送其年歸宜興

與君五載揚州夢細馬吟春阜莢橋歲晚幽州復相送九  
門風雪壓盤雕

送陳子文出知石阡

銅柱南頭道路長。江流猶接楚人鄉。  
祇如太史浮湘去。一路看山到夜郎。

再送彭十

大姑彎彎睂黛長。小姑窈窕宮亭妝。  
三日潯陽風信到。雙姑蚤晚嫁彭郎。

萬里南荒弔尉佗。芭蕉林裏越禽多。  
好將延露新翻曲。乞與珠纓蹋臂歌。

送高念東先生予告還山

何處神山滄海東。巨峰萬仞插蒼空。  
青天無數雲濤卷。下

視辰韓墨點中

巨峰勞山  
最高處

再送念東

籠水羣山繞郭明杖藜隨處有泉聲名藍金碧和煙雨小  
李將軍畫不成

送家兄禮吉歸濟南兼寄子側

龍山姓雪馬嚦長山翠湖雲罨畫香好到旗亭寒貰酒雙  
鬟低按小秦王

錦秋湖邊稻花涼錦秋亭下鱸魚香垂虹秋色一千里秋  
到吳淞思故鄉

歲暮懷人絕句

老去青谿丁繼之秦淮水閣照花枝曾同翦燭談天寶一。

夜吳霜點鬢絲

丁布衣肩

方今才子數平陽睥睨千秋不可當攜我衙齋一雙鶴罷官長嘯洞庭旁

汪比部琬

昨日人傳潁川死不禁淚向汝南枯今朝雪苑逢人說意氣依然向酒壚

聞劉比部體仁死近訪之彭君云今年秋見之歸德攜伎豪飲如故也

送汝玉山歸艸堂焚魚學士太顛狂尊前莫話先皇事灑

向江湖淚萬行

葉編修方藹

藉藉蘭陵四才子陳黃鄒董各名家難忘雪夜吳兒曲簷角寒梅正作花

陳秀才維崧黃比部永鄒進士祇謨董秀才以窗昔夜雪同飲許士宅觀劇也

歎老口號寄宋牧仲巡撫

尚書北闕霜侵鬢。開府江南雪滿頭。誰識朱顏兩年少。王揚州與宋黃州。

花朝道中有感寄其年

三月嬉春射雉城。鉢池新水縠紋生。紫雲低唱靈雛拍。愛忍春寒聖到明。

寄吳寶崖

競說仙人萼綠華。紫金跳脫降羊家。苧蘿谿上春無主。一代紅顏獨浣紗。

訪紀伯紫

閒踏春泥著屐來。煙波百曲孝侯臺。柴門徑僻少人迹。門外野棠花亂開。

贈樊稜

鄆城人明侍郎敬尚書繼祖之裔孫善琴尤以琵琶擅名爲彈出塞等曲

扶蘇城上月如鉤。彈作征人出塞愁。忽聽涼蛩和哀雁。一時心折漢宮秋。

苦竹黃蘆滿目愁。嘈嘈切切似江州。茫茫九派多風雪。憶泊潯陽舊酒樓。

金鍾聖輿送芍藥

新綠橫牕穩晝暝。一簾微雨似輕煙。午甡睡起維摩榻。花氣薰人又破禪。

蘇圃桃花

紅萼初穠碧艸芳。息夫人始罷。嚦妝斜。陽脈脈。相看處。可是無言。媚楚王。

武昌桃花夫人廟卽息媯也。

柳

歲歲春風變柳條。今年寒食雪蕭蕭。祓除猶記蕪城路。五載紅闌綠浪橋。

灞橋柳

灞橋楊柳碧毵毵。曾送征人去漢南。今日攀柯憔悴絕樹猶如此。我何堪。

畫眉

鑪頭學得卓家眉蜀道嚦春和子規長憶閬州三月暮嘉陵江暗雨來時

山中有蟲聲如擊磬甚清越蜀人謂之山子又有花名龍爪甚豔偶成絕句

稻熟田家雨又風枝枝龍爪出林紅數聲清磬不知處山子晚嚦黃葉中

題卞令之少司寇紀年圖

翛然琴鶴出甌闕回首風濤百戰身荔子殷紅榕葉碧江郎山下一歸人

題江辰六借書圖

飲馬荆江戍火紅龐眉書客悔彫蟲諸生亦有封侯相一。

卷陰符兩石弓

爲愚山侍講題嚴蓀友畫

山氣化雲雲作煙幽人蓑笠不知年清谿曲逐楓林轉紅葉無風落滿船

趙澄畫

江南春意到寒梅曲崦迴汀幾樹開銅井銅坑風雪裏曾  
敲烏帽跨驢來

爲成周卜題洗竹圖

曾汎長沙萬里船離離斑竹雜湘煙鷗鴟處風吹雨憶

泊黃陵古廟前

題鍾文子師桷園漑竹圖

梁園修竹久凋零。金粉蕭條艸自青。惟有白頭王季逸。昔游如夢記汾亭。

題乘風破浪圖

爲汪舟次楫

海外真看大九州。青天一髮是琉球。人閒奇觀君知否。萬里滄溟萬斛舟。

程友聲畫余綠楊城郭是揚州句相寄賦倉

雨潤漱墨寫邗溝。繞郭依然碧玉流。寄語紅橋諸士女。老夫雖在雪盈頭。

悼亡詩

一錯誰能鑄六州。藁砧無復望刀頭。當年對泣人何在。獨臥牛衣哭暮秋。哭張宜人

博山香篆倚銀屏。三體唐詩梵字經。鬢紅窗人未寢。鎧前教誦雨淋鈴。哭陳孺人

孺人修梵行又喜唐絕句余日授百首皆成誦雨鈴淋夜卻歸秦一篇

所常諷詠也

落葉哀蟬斷送秋。他生未卜此生休。梧桐淚與芭蕉雨。竝坐西窗一夜愁。哭張孺人

碧海青天欲見難。月中誰伴女乘鸞。可憐三五嬪娟影。只映方諸淚不乾。哭張孺人

櫂歌

潤州城北江水流丹陽城下留河舟江船風浪多顛險河  
船安穩不須愁

歷朝詩選卷九十終



七言絕句十九

國朝三

歷朝詩約選九十一

孫蕙七首

龍門

靈鼈一柱分秦晉。濁浪千尋割畫昏。  
欲起前人問疏鑿。滿天風雨過龍門。

太華絕句

絕頂青冥露掌開。懶人風迹隱樓臺。  
雲開忽敝中原色。俯看黃河一線來。

秦淮雜興

拂檻春濃花氣驕。長干簾影日飄蕭。  
何人更理清商曲。痕痕。

滾江聲帶六朝

過紅橋游覽蜀岡諸勝

一帶垂楊拂綠波蘭橈來往織如梭繁弦急管中流去醉拍闌干喚奈何

福州

雲中七塔聳嵯峨寥落前朝古寺多碧靄姓嵐遮不斷晚鐘穿出亂松坡

建州茶

的乳茶香是建州南唐京鉌奉龍樓而今不貢頭綱餅綠雪青雲滿稻疇

戴山戴顥與兄  
勃樓隱處

山繞清谿樹繞陂戴家兄弟舊茅茨雪花一片穿林去飛  
起前灘白鷺鷺

王又旦三首

送張南邨歸金陵

徙倚風塵已白頭那堪六月滯行舟。益昌城上看君發愁。  
聽江聲入郡樓。

同朱悔人宿清風橋賦別

欲向離亭稅客驂暫隨明月宿蒲庵長橋牘有傷心樹一  
夜西風過漢南

經潛江縣重悼亡內

十年櫓檣已歸秦。楚些重招客。恨新百里煙。江中夜雨棠梨岡下泊舟人。

汪懋麟三首

寒山寺

吳中池館日吹簫。只有寒山寺。宋寥搖落江楓對漁火。行人歸去雨蕭蕭。

題顧符稹畫

昭陽顧生畫樓觀絳闕。瑤房生白雲。如蠻宮人三百六。丰神都是李將軍。

途中雜感

黃河東去海雲孤。十月霜風艸木枯。  
望到故鄉先淚落。一鞭斜日過鍾吾。

汪琬二首

吳江

江上西風滿棘枝。夕陽遙映去帆遲。  
不須便作思歸計。且爲鱸魚住少時。

過石鷗

主賓無語似相忘。淨掃青落堊。  
夕陽乳燕飛。飛罷閣閣楚萍謝。絮滿池塘。

宋犖六首

辛未夏五月過北蘭寺

斷雨殘雲止復行。蒲帆十幅往來輕。  
斜陽忽放山根出。江外重湖一綫明。

秋日重過北蘭寺

煙江疊嶂曾看畫。列岫亭邊畫意賒。  
奇絕廬山飛鳥外。一痕姓碧落簷牙。  
宋王晉卿有  
煙江疊嶂圖

濟南雜詩

聽事前頭古柏多。高槐幾樹更婆娑。  
西風一隙吹黃葉。露葉南山兩碧螺。

詠庭前花木

架上紅薔錦段張。惱人顏色殢。人香簿。書叢裏。抽身出。獨凭闌干到夕陽。

題李工部竹邨小照

窈窕谿山到眼清。蕭疏無復世閒情。阿誰踞石披襟坐。盡日松聲與澗聲。

舟夜風雨聞吳歌

十三女兒雛鶯聲宛宛轉轉清復清。楓橋燈火半明滅。羈人此際難爲情。

張篤慶四首

古

青谿張麗華小祠

淒涼三閣鳳臺空。誰向長城問舊公。  
千古青谿谿上月。人閒無復景陽宮。

不及夷光泛五湖。千尋月殿已模糊。  
惟餘無恙秦淮水。猶照臨春玉樹枯。

劍州鄧艾廟

奇兵未扼一丸泥。縣竹懸軍萬仞梯。  
奄忽當塗更典午。翻嫌多事鄧征西。  
自古奇功未可居。螳螂蟬雀竟何如。  
縱然制勝陰平道。衛瓘誰知擁檻車。

傅戾二首

柳枝詞

絕代容華照眼明。幾年聲價重。金城誰言青鬢垂。垂老一  
到臨風百媚生。

零露蕭晨半未乾。日高猶自怯輕寒。連錢驄馬騎嘶過。  
青眼樓頭帶笑看。

顏光敏一首

清流關

身騎龍背上青霄。路轉峰迴出麗譙。雨氣全吞幽壑樹。風  
聲直送大江潮。

宋琬二首

憶故鄉海錯

銀花燦爛委筠筐  
錦帶吳鉤總擅場  
千載專諸畱俠骨  
至今七箸尙飛霜

右銀刀一  
名八帶魚

彫蟲小技舊知名  
食邑由來號管城  
會與江郎書恨賦  
莫將刀筆博公卿

右筆  
管螺

林麟焮二首

牡丹詞

品題國色總尋常  
姚魏爭誇壓眾芳  
不是宣和翻舊譜  
人解賞女真黃

催放鼠姑花信風。錦茵銀燭照鞋紅。何當澹月慈恩寺。傳  
徧新詞到六宮。

彭孫遹四首

廣州竹枝詞

木縣花上鷓鴣曉。木縣花下牽郎衣。欲行未行不忍別。落  
紅沒盡郎馬蹏。

妾家谿口小。迴塘茅屋藤扉。蠟粉牆記取。榕陰最深處。閒  
時來過喫檳榔。

半年水宿半山居。冬採香根夏採珠。好須從蟬中覓香。  
燒還仗博山爐。

西津橋下遲融谷不至

春渚霞生雨乍收。鬱孤臺畔遲行舟。  
生憎章貢無情水。相背東西各自流。

徐緘一首

越中竹枝詞

句踐城南春水生。水中鬪鴨自呼名。  
伯勞飛遲燕飛疾。郎進城時儂出城。

伍瑞隆一首

竹枝詞

胡蝶花開胡蝶飛。鷗艸長鷗嚦庭前種。  
得相思樹落。

盡相思人未歸

吳雯十二首

答人

自卜條南舊隱居。明星玉女對攤書。門前九曲昆侖水。千點桃花尺半魚。

詠鄴城雜事

冰井銷沈伯業非。西陵日暮黯殘暉。月明誰遣嚦烏鵲。依舊南來繞樹飛。

過真州作

真州荷花一萬柄。正對城門是酒家。下馬當鑪更斟酌。醉。

臨明鏡看吳娃

獲嘉蚤發

秋光千里入覃懷。破曉涼風在水隈。  
應是山中雷雨後。白雲齊過太行來。

安昌絕句

半是愁中半病中。傷心不爲夢黃熊。  
蔗漿難解櫻桃熱。願乞仙人寶扇風。

感傷絕句

二十年來曉夢空蓬萊。弱水信難通。  
桃花誰道三千歲。難抵春歸一夜風。

魯少府仁風清韻州里俱欣霑被而于余分誼尤深

感德書事聊成小詩

誰與王孫進一餐。幾回風雪慰袁安。符融亦有高名在。卻讓仇香是鳳鸞。

萬里曾憐新息侯。武谿毒霧悵壺頭。人間不少鷗鷺水。及蚤相從馬少游。贈張君極

壬戌端午簡歷城張將軍佩弦時之官海康

水榭風微白鷺明。菖蒲獵獵綠波生。閒持坐席消長日。可奈將軍萬里行。

戲贈李武曾

沈醉東風盧女弦泥人佳句滿紅箋預愁長夜無春色徧種桃花作墓田

奉和阮翁花下飲

風雨雨道塗難猶及長安花未闌便脫征衣花下醉一枝低亞玉闌干

題倪雲林秋山圖

經營慘澹意如何渺渺秋山遠遠波豈但穠華謝桃李空林黃葉亦無多

朱彝尊十五首

當鑪曲

吳姬春酒解當鑪隨意絲繩瀉玉壺五馬漫誇秦氏女雙  
鬟愁殺霍家奴

古興

空井雙桐落葉深銅缎百丈響哀音美人不見涼風至愁  
對秋雲日暮陰

二月二十日

灣頭新柳碧遙遙猶記停舟舊板橋一自花時葬西子年  
年風雨是今朝

七夕詞

箕南斗北火西流萬里明河一夕收難得纖纖兩頭月夜

涼猶挂曝衣樓

山陰客舍送高舍人還膠州

公子翩翩狐白裘。向予長揖返膠州。  
西陵松柏閨門柳。繫馬春風何處樓。

第三句原本作金闕楊柳黃金色輕佻不稱今爲易之如此

送王汎游嶺南

送君西去大江深。回首雲煙楓樹林。  
嶺路千山萬山外。相思孤月夢中尋。

送計孝廉東還吳江

三年歸計總蹉跎。日見輕舟下潞河。  
君去登高誰對酒。空憐秋色異鄉多。

送孫處士默還黃山

蕪城客散亂烏嚦  
別業黃山路不迷後夜相思秋色遠月明三十二峰西

送宋僉事犖之官通潞

白馬銀鞍紫絡纓  
引弓曾傍屬車行爲郎未老單車出射虎重過右北平

送趙三湛還永平

離堂卜夜且成歡  
酒盡休歌行路難四十逢時猶未晚看君騎馬入長安

送陳四處士晉明再入楚

燕山雪後送君行。葺帽駝裘馬上輕。一片姓川萬楊柳。春風重入武昌城。

題畫送徐檢討釗還吳江

三高祠下水溟濛。紅蓼花香一笛風。驚起沙鷗定相笑。黑頭未稱作漁翁。

祁六坐上逢沈五

沈五配祁夫  
人湘君善詩

東陽年少沈休文。五載相思兩地分。今日謝家羣從在。青綾障外更逢君。

飲吳生理楨宅

吳郎愛客解千齡。勸飲青絲挈玉瓶。落日兒童齊拍手。過

江。三。日。幾。會。醒。

飲張司理陞南華館題壁

南園載酒勸君歌涼月紛紛照薜蘿鏡水連天八百里張  
星依舊在明河

歷朝詩約選卷九十一終



七言絕句二十

國朝四

歷朝詩約選九十二

查慎行十四首

寓窗書所見

孤城低壓青山麓。人在山樓正倚窗。忽有一帆移。樹杪始知花外卽長江。

三江口苦雨

邦刹磯頭雨殺。風千檣。煙氣溼濛濛。楚天低壓平蕪外。何處青山認。晚公。

月下渡揚子江次西溟韻

妙高峰下曉鐘撞。隔岸吳船正發。幫風露一天人擁被艣。

枝搖夢過春江

發儀真

綠楊城郭碧蘿洲夾岸紅燈映酒樓爲愛吳船聽軟語買帆連夜下眞州

廬墟舟中口占同德尹作

水面浮漚的的圓采菱歌出采蓮船此歌賴是吳兒唱若是吳娘更可憐

暑中坐敬如西齋竟日

蕉心展卷放高葉藤蔓著花垂嫩梢笛簾一牀書萬卷紙窗南北綠陰交

清明日南湖汎舟

積雨初霽交清明桃花杏花飄滿城城南水色綠於酒鵝  
鴨一灘春艸生

將赴洞庭書局雨中與徐淮江別

一領西風季子裘亂砧聲裏又殘秋人閒尙有君憐我每  
過南湖作少留

送趙秋谷宮坊罷官歸益都

時秋谷與余同被吏議

竿木逢場一笑成酒徒作計太慾生荆高市上重相見搖  
手休呼舊姓名

揚州遇杜蒼略

龍暝

方邵  
侍御

又繼黃岡歿

謂令兄饑  
鳳先生

江左風流迹已陳今

日聽君談往事如逢天寶舊宮人

八月十五夜與德尹桂庭對酌

看來南北東西月只與今宵一樣圓卻對團園感離別人  
生能幾十三年

喬侍讀席上贈歌者六郎

欲顧曾無一字謠子弦徐引曼聲歌青衫憔悴無如我酒  
綠燈紅奈爾何

白田喬侍讀有家伶六郎以姿技稱已巳春 車駕  
南巡召至行在曾蒙 天賜自此益矜寵庚午四

月余從京師南還訪侍讀于縱櫂園酒閒識之有  
青衫憔悴無如我酒綠燈紅奈爾何之句時東海  
徐尙書射陵宋舍人慈谿姜西溟俱在坐相與流  
連彌夕而散去冬北上重經寶應則侍讀下世旅  
櫬甫歸余入而哭之盡哀何暇問六郎蹤迹矣及  
至都下聞有管郎者名擅梨園一時貴公子爭求  
識面花朝前八日翁康飴戶部相招爲歌酒之會  
忽于諸伶中見之私語西厓曰此子何其酷似白  
田家伶蓋余向未知六郎之姓也西厓旣爲余道  
其詳竟酒爲之不樂口占四絕句以示同席諸君

一羣穠豔領花鬢頭白尙書興最豪記得送春筵畔立酒  
痕紅到鄭櫻桃

茶煙禪榻隔前塵存歿相關一愴神自琢新詞自裁扇教  
成歌舞爲何人

李孚青二十六首

北齊

明月無輝榭委塵先朝曾悔殺麒麟真珠袞壞黃花落又  
進琵琶續命人

壽陽城下鬼燐青天子無愁酒未醒盡失黃河何足惜龜  
茲猶是小朝廷

汴京懷古

苑囿秋風鳥獸寒。南薰門外事悲酸。  
袖中良嶽文應在。畱向韓州夢後看。

考城寒望

盤馬西來戴國秋。長隄宛轉接梁州。  
回頭不辨江南樹。惟見黃河天外流。

金陵雜書

小艇橫斜蘆荻灣。一竿空釣碧潺湲。  
月明風細凭高望。江令青谿謝傅山。

采石

依然牛渚清江夜。金粟如來去。不還亦有不隨人。事改開。  
元明月謝家山。

晚行口號

遠樹扶疏艸色閒。人家多在夕嵐閒。據鞍一日風和雨。百  
里青山十五關。

卽事

雨歇官河欲上潮。離人水調玉人簫。殘蟬未斷昏鍾起。都  
到消魂廿四橋。

閏五月初四日瀛臺

御試

賜宴恭紀

安穩蘭舟兩槳輕。垂楊夾岸晚。波平紅霞一抹明。金碧如

在仇英畫裏行

重午送戚緘子東歸

萍梗淹遲未足嗟。聊將蒲酒送韶華。  
淮南淮北連煙水，開盡荷花客到家。

送邵仲英南還

計程經月歷齊淮。雲樹微茫逐望開。  
卻過蕪城未朝飯，青山一髮潤州來。

送馮躬暨太守之官廣州

翹首羊城意萬重。蟹人瀧吏得相從。  
何由身似飛來寺，同上天南第一峰。

廣陵與樹功

重見無雙江夏生紅橋烟月十年情預愁來日真州別獨聽鑾江萬里聲

黃樹功招游紅橋汎舟

欸乃聲中酒數巡一篙點破碧粼粼楊花如雪隋隄路日暮迴舟愁殺人

黃樹功招同費野田張廣陵夏白湖紅橋汎舟

歌妓詩僧坐兩頭不教赤壁擅風流半篙綠水分揚子一片青山借潤州

哭袁士旦

宛陵人

歸櫬朝陽復夕曛招魂江水又江雲敬亭山下棠梨道新  
起蓮花博士墳

雨窗隨筆

籬火鄰烟乍有無驚風動竹似菰蘆偶飄一葉隨流水忽  
憶扁舟汎白湖

題香林亭妙光閣後

倦游欲唱望江南初地頻過悟碧巖日午鼠姑風乍緊香  
林亭上脫春衫

題吳門王節母小照

華屋山邱幾變遷過淮惟剩載書船封胡羯末皆安在白

髮飄零二十年

封胡羯末卽韶朗玄川之小字  
韶朗川皆早死獨玄以功名終

題美人畫冊

熙婦人賤稱

題漁家便面

碧波青嶂晚。春。天繫纜蘆灘。柳岸邊。風景憶。曾親見。處丙寅三月白門前。

題階前花樹

雨中婀娜日中酣處處枝條冒客簪一種紅情兼綠意不知何事憶江南

楊花

舊游平地入新愁。一夢楊花歲五周。省得消魂醺酒處。謝家飛絮凜陽樓。

豆莢

帶霍牽萁手自烹。玉盤新剝碧珠盈。漫云苦筍催人去。一頃南山減宦情。

畫眉

千聲百轉最憐渠。歲月金絲舊侶疏。莫怪秋霜侵八字。前身天寶女尚書。

湯右曾二十五首

元夜在汴城偶念孟元老所記東京燈火之盛感慨  
係之雜成斷句

千枝萬影朵樓開一道銀河瀉露臺天上忽飛金鳳下雲  
中時看玉龍迴

萬歲山前望貢雲香中百和最氤氳游蠶治蝶非時見先  
繞雙奴玉綫袞宣和閒汴京元夜有使喚蜂蝶之術

淇汲道中與辰再

哀怨猶傳水上聲驛門花事十年情丙子入黔與辰再同過此太行山  
下東風路頭白重來竝馬行

宿通州試院

依然襆被宿寒廳。觸迕閒愁白髮星。喚起嵩陽舊時夢。  
三更風撼閣前鈴。

自過舒城環山流水密竹深林至黃梅復見九江卽  
步黃梅店壁上韻

龍城西畔太湖東步步看山了不同雲木周遭三百里此  
身常在翠微中

磁州道中

夾隄柳色映泉流。溢口清源匯曲溝。二十里中荷葉路。水  
風吹綠到磁州。

憶安宜舊游雜成十詠

閒來舊夢記爲新。曼綠天紅作冶春。一曲城南新泚水。漫天飛絮獨游人。

閒布楸枰屬思遲。躍仙風味少人知。年來黑白曹騰過。慚負秋堂落子時。

將遊黃華會病不果寄題四絕句

世緣道味本難兼。方丈維摩病轉添。夢到青山看飛雨。一條倒挂水晶簾。

避暑宮猶故址。存炎天冰雪瀑流翻。晉陽萬騎圖中見。伯氣西風賀六渾。

何處天花引佛幢。數弓閒地拓春窗。此身只合針鋒隱。底

用山僧四十雙

次韻總憲李公雨後慈悲閣觀水

蒼陂面面足延鑑  
白袷輕寒雨氣侵  
忽憶跳珠萬荷葉  
一蓬遙泊太湖心

四月晦前一日雜成十斷句時在三水使館

貽書忽報呂安亡

謂若千

旅館殘燈影半牀  
從此看花兩行

淚更無人見舊劉郎

馬上

一天涼露斗斜橫  
羅薦輕寒近五更  
殘夢白河三十里  
水荭花氣杜鵑聲

題徐電發檢討楓江漁父圖

愛君雅頌猗那手閒向烟波理釣絲一片悠悠暮江色蓼  
紅蘋白月黃時

題香山寺圖

啜茶甘味未回多羅千樹繞香臺祇因七百年前塙曾  
見龍門十寺來

海棠

窺簾無那醉嬌何北地臙脂寶麝多猶自穠華帶鄉井浣  
花箋色錦江波

兩株紅豔十分勻先後開時各鬪新底事春風不相見那

夫人對尹夫人

牆角杏花

長紅小白悲交加  
一隊春中五杏花  
他日東風夢臨汝  
鶯燕燕各天涯

次韻王樓邨送桃花一本

立春後三日

曲曲迴塘短短籬  
映門猶記乞漿時  
鬢絲禪榻春風少  
誰省三生杜牧之

閻梅公中丞出觀家樂

燒殘絳蠟月朧明  
百和香中吹玉笙  
一片采雲飛不敢  
闌干外豔歌聲

探喚一串玉盤珠華屋神僊絕代無惱亂中丞筵上見梨園弟子李僕奴

審音荀令與周郎檀板銅槽共一牀山雨乍收簾月白聽風聽水按伊涼

玉雪兒郎髮未齊嫩叢蘭蕙出香谿南朝瓊樹無人見嬌小宮鶯恰恰嚦

管咽弦停意淺深雲窗六扇漏初沈已迷秦客風花路休笑吳兒木石心

宗元鼎二首

煬帝冢

帝業興亡世幾重。風流猶自說遺蹤。  
但求死看揚州月。願生歸駕六龍。

畱鄒訐士

新開蘭蕙正芳菲。初到鮆魚入饌肥。  
最好流光是三月。如何拋卻渡江歸。

馮廷櫆一首

題周伯公小照

鬚如蝟蝶桓宣武。貌似婦人張子房。  
頗恠老奴和孺子。風流併作一周郎。

康乃心一首

題秦莊襄王墓

原廟衣冠此內藏。野花歲歲上陵香。  
邯鄲鼓瑟應如舊，贏得佳兒畢六王。

鮑皋九首

露筋祠

日落湖天白。鳥飛旅人祠。  
下一霑衣悠悠是處堪銷骨。解道蛾眉自古稀。

游焦山迴船抵甘露港口江上口號

天上樓臺出潤州。連峰不斷女牆頭。  
渾忘家是城南。杜如作江山萬里游。

江上口號

風澹春江態有餘輕鷗柔櫓下徐徐梅花兩岸開連水欲借江心寺讀書

聞箏

楓霜瑟瑟半江明錦岸瓊樓響鈿箏萬點飛鴻都在水碧空何處落秋聲

錢家山晚酌聽李道士吹笛

玉京道士昭華琯百尺梧桐千尺臺燈火闌干閨闥閉小龍呼出月明來

題商婦琵琶便面

輕籠慢撚影矜持。恠底妖韶似女兒。圖中伎容綽約如處子畫手有。  
心傷老大十三爲仿學彈時。

題蘇氏織錦迴文圖卷

藁砧悔過已蹉跎。萬轉千迴怨鳳梭。得婦若蘭才慧絕人。  
開乃有寶連波。

詠史贈某丈

蘇夔鄭譯豈登堂。妙解旋宮萬寶常論樂。便便歸胄子。白  
頭淪落負開皇。  
作者爲難解。故難劉松碑碣。媿人眼中孰是盧思道。騏  
驥高馳絕羽翰。

終

國史文苑傳

劉大櫆安徽桐城人貌豐偉而性直諒嗜讀書工爲文章年二十九遊京師時內閣學士同邑方苞以能爲古文詞負重名大櫆以布衣持所業謁苞苞一見驚歎告人曰如苞何足算耶邑子劉生乃國士爾聞者始駭之久乃益信雍正七年十年兩舉副榜貢生乾隆元年苞舉應博學鴻詞科爲大學士張廷玉所黜旣乃知爲大櫆深惋惜十五年廷玉特舉大櫆經學又報罷乃出爲黟縣教諭數年去官歸四十四年卒年八十有二大櫆雖遊方苞之門所爲文造詣各殊苞蓋擇取義理於經所得於文者義法大櫆

竝古人神氣音節得之兼集莊騷左史韓柳歐蘇之長其  
氣肆其才雄其波瀾壯闊嘗著觀化篇奇詭似莊其他言  
義理者又極醇正詩能包括前人鎔諸家爲一體雄豪奧  
祕揮斥出之著有海峰文集八卷詩集十卷從遊多以詩  
文鳴者而姚鼐吳定爲最著